

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In quâ tractatur de Augustissimo Eucharistiæ Sacramento, ac Sacrificio  
Missæ, ...

**Bosco, Jean a**

**Lovanii, 1667**

Concl. II. In Sacrificio Missæ proximus offerens est Sacerdos.

---

[urn:nbn:de:hbz:466:1-73377](#)

idem ea nunc quoque facit. Nos ministrorum tenemus locum : quia vero sanctificat ea, & immutat, ipse est. Et infra : Verum & tu laice, cum Sacerdotem vi- deris offerentem, ne ut Sacerdotem esse pates hoc facientem, sed Christi manum invisibiliter exten- sam.

**4.**  
Quā ratio-  
ne Christus  
nunc offre-  
rat,

videlicet  
moraliter,

ad instar  
Regis agen-  
tis per suum  
Legatum

Ex quibus testimonis luculententer patet, quā ratione Christus etiam nunc offerat, & quidem principaliter; videlicet non solum quia instituit hoc Sacrificium, & voluit ut merita sua per illud applicarentur : verū etiam quia ipsi Sacerdotes instituit suos ministros & Vicarios, qui nomine & in persona ejus hoc Sacrificium offerant.

Quā quidem institutio non retractata, sufficiat ut jugaretur Sacerdos consecrans sustineat personam Christi, ipsaque oblatio sit moraliter actio Christi, sicut actio Legati quā talis, est moraliter actio Regis ; & contractus factus per procuratorem quā talem, est moraliter contractus illius, qui procuratorem instituit, estō quando procurator contrahit, principalis nihil minus cogite, quā de contractu.

Unde sicut Rex, qui per Legatum suum osculatur pedes Pontificis, dicitur actu præstare reverentiam Pontifici, estō tunc temporis dormiat : ita quoque Christus Sacerdos in eternum secundū ordinem Melchisedech, actu sacrificat & præstat reverentiam Deo, atque in finem usque facili sacrificabit, & reverentiam actu præstabat Deo cum ipso Sacerdote, ut cum ministro & Legato suo, estō per impossibile non attenderet ad ejus oblationem ; ratione scilicet prioris voluntatis, quam habuit, instituendo hoc Sacramentum & Sacrificium, & designando eorum ministros ; que voluntas adhuc moraliter perseverat, ac sufficiens videtur, ut omnem oblationem, etiam ex parte ministri immediati peccaminorum, efficere possit bonam & sanctam ac immaculatam : veluti oratio Sacerdotis dicitur oratio Ecclesiae, & bona ab illa voluntate, quā Ecclesia hunc ministrum deputavit ad orandum publicē nomine suo.

**5.**  
Ex quo non  
sequitur  
Christum  
de facto  
mereri aut  
satisfacere.  
*Ecclesiast. cap. 14.*

Sicut,

An autem  
oret vel  
impetrat,

Nec tamen inde sequitur, Christum de facto mereri, vel satisfacere per illam oblationem. Quæris rationem ? Quia non est in statu merendi, vel satisfaciendi. Quare ? Quia non est viator, sed comprehensor. Aut obitum tuum operare institiam ( inquit Ecclesiasticus cap. 14. v. 13. ) quemam non est apud inferos, id est, post obitum tuum, inventre cibum, id est, opera mortalia aut satisfactory. Nam motum aliquem bonum. ( Verba sunt Scotti 4. dist. 21. q. 1. n. 10. in fine ) per quem tamquam per dispositionem, vel meritum de conguo, vel condigno, delectatur veniale, ponere in anima post mortem, non videtur doctrina Theologica consonum, que ponit statum illum ab illis immunem.

Porrò an Christus debeat dici orare, vel impetrare, quæstio est de nomine. Christus Iesus

Cinquit Apostolus Rom. 8. v. 34.) qui mortuus <sup>quæstio</sup> est, imo qui & resurrexit, qui est ad dexteram Dei, <sup>deponit</sup> qui etiam interpellat pro nobis, id est, intimat suam voluntatem de aliquo objecto creando habendo, quæ intimatio sit efficax ad illud obiectum obtainendum.

Unde Apostolus Joannes Epistola prima 1. Joh. cap. 2. v. 1. & 2. Sed & si quis peccaverit, ad vocatum habemus apud Patrem Iesum Christum iustum : & ipse est propitiatio pro peccatis nostris. Non tantum sufficiens, sed etiam efficax, impetrando, id est, obtinendo in patria, remissio nem peccatorum nostrorum, quam suā sanctissimā passione in via promeruit.

Ceterū putant nonnulli Sacrificium omnia fieri à Christo, etiam pro nunc, quatenus ad singula attendit, caque offert Patri, quatenus ipsa immutatio panis & vini subiaceat eius potestate, & ad prolationem verborum consecrationis seipsum sub speciebus panis ac vini voluntariè ponit ad protestandum summum Dei Dominum in vitam & mortem. Sed quamquam id fieri posset, tamen non est esse ad rationem Sacrificii novae legis, nec id probatur ex auctoritatibus.

Dices ; hoc est necesse, ut ostendatur quomodo hodierna sacrificatio sit actio infinita, si videlicet consideretur immutatio hostie, quatenus procedens de facto ab ipsa voluntate Christi tamquam opus externum.

Respondeo ; nulla appetat necessitas, ut sacrificatio sit aliter Christi, quā moraliter, quatenus videlicet informata à voluntione Christi, quā instituit non solum Sacrificium fieri, sed etiam fieri suo nomine & in persona ipsius : haec autem voluntio est infinita, sine infiniti valoris, eo modo, quo ceteræ actiones Christi sunt infinitæ. Et si illa non sufficiat ad hoc, ut sequentia Sacrificia, ab ea quasi informata, sint infinita, parvum refert ; neque enim id est necesse, ut patebit ex his, quā statim subiicio.

Profecto si illa physica voluntas Christi esset necessaria, ut Christus diceretur actu offere sacrificare cum Sacerdotibus ; jam fortè aliquibus videretur, quod non solum esset principalis offerens, sed etiam proximus & immediatus, imo magis immediatus, quā ipse Sacerdos ; jam autem communiter docent Theologi tam antiquiores, quā moderni, quod

## CONCLUSIO II.

In Sacrificio Missæ proximus offerens est Sacerdos.

Sacerdotem offerre, docet Concilium Tridentinum sess. 22. cap. 1. ibi : Ac sub eorum primis symbolis, Apostolis, quos tunc novi Testamento Sacerdotes constituebat, ut sumerent traditum, &



simpliciter ipsi imputatur effectus & valor  
contractus, et si dormiat, quando procurator  
nomine ipius contrahit, Quæ ergo necessitas  
istius particularis intentionis Christi?

**13.**  
An sit &  
qualis di-  
gnitas &  
honestas  
Sacrificii  
hodierni  
& in ultima  
Cœna.

**A**equalis, inquis, dignitas & honestas Sa-  
crificii, quod jam effertur, cum dignitate &  
honestate Sacrificii, quod Christus obtulit in  
ultima Cœna. Sed quæ necessitas istius æqua-  
litatis? Certum enim est, ut ait Scotus suprà,  
quod Missa non æquivaleat passioni Christi.

Certum plandit, reponit aliquis; sed in ra-  
tione meriti tantum: nec id mirum; quia jam  
Christus non est in statu merendi, ut dictum  
est Conclusionem præcedenti; sed applicat meri-  
tum passionis: alioquin cur non posset æqui-  
valere in ratione actus honesti? Nonne Christ-  
sus nunc in celo plures actus bonos liberè  
exercet cum infinita quodammodo dignitate  
& excellentia, licet non cum merito?

**Non est ne-**  
**celle quod**  
**Christus**  
**passionati-**  
**ter offert**  
**cum sangu-  
inis Sacerdo-**  
**tibus.**

Haud dubium quin sic fiat. Sed quid inde?  
Ergo necesse est quod Christus particulariter  
offerat cum singulis Sacerdotibus: negatur  
Consequentia. Etenim ut merita Christi ap-  
plicantur per hoc Sacrificium, sufficit voluntas  
univeralis, quæ voluit merita passionis suæ  
applicari in tempore per voluntatem Sacerdotis,  
immediatè offerentis, vel potius (quia  
voluntas illa Sacerdotis potest esse mala) per  
voluntatem Ecclesiæ generalis, ut loquitur  
Scotus suprà, quæ semper bona est & honesta;  
ac proinde sufficiens, ut dixi Conclusionem præ-  
cedenti, omnem oblationem, etiam ex parte  
ministri immediati, peccaminosam, efficere  
bonam & sanctam ac immaculatam. Quippe  
Christus, ut loquitur Apostolus ad Ephes. 5.  
v. 25. & sequentibus, dilexit Ecclesiam & se-  
ipsum tradidit pro ea, ut illam sanctificaret, min-  
nans lavaco aquæ in verbo vita ut exhiberet ipse sibi  
gloriosam spousam suam non habentem maculam, aut  
rugam, aut aliquid huiusmodi, sed ut sit sancta &  
immaculata. Quæ proinde Deo Patri displiceret  
non poterit.

**14.**  
Sacerdos  
offerat Sacri-  
ficium eis  
in persona  
Ecclesiæ

Hercule quod Sacerdos hoc Sacrificium of-  
ferat, etiam in persona Ecclesiæ, non obscurè  
colligitur ex officio Missæ, in quo Sacerdos  
sapienter loquitur in plurali, & persona communis  
natus: Offerimus, inquit, ubi &c. Te igitur clemen-  
tissime Pater ..... supplices rogamus &c. Hanc igitur  
oblationem servitum nostra, sed & cunctæ familiae tuae  
&c. Vnde & memores Domine nos servi tui, sed &  
plebs tua sancta &c. Ergo oblation illa fit nomi-  
ne corporis Ecclesiæ.

S. Augst.

Unde scilicet dixit Divus Augustinus lib. 10.  
de Civit. Dei cap. 20. Quotidianum esse voluit  
Ecclesia Sacrificium, cum ipsius corporis ipse (Chris-  
tus) sit capit, & ipsius capitum ipsa (Ecclesia) sit  
corpus tam ipsa per ipsam, quam ipse per ipsam (ue-  
sus) offerit. Sic lego in editione Parisiensi; in  
Plantiniana autem: Quotidianum esse voluit Eccle-  
sie Sacrificium, que cum ipsius capitum corpus sit, le-  
ipsam per ipsum dicunt offerre. Cum autem Eccle-

sia per se immediatè non offerat, sequitur quod  
id faciat per Sacerdotes, tamquam ministros  
suis, quos ad id muneris per manus Episco-  
porum specialiter consecravit.

Sicut ergo Ecclesia facit unum corpus po-  
liticum & mysticum Christi, ita habere potest  
intentionem non propriam & personalem, que  
competit tantum singulari persona seu suppo-  
rito; sed generalem, quæ competit collectio-  
ni: hac autem habitualis est, in quantum com-  
petit corpori ut abstracta à membro, videlicet  
Sacerdore; actualis vero, ut includit Sacer-  
dotem ministrum publicum deputatum ad Sacri-  
ficium, in quantum ille loquitur & offert in  
persona Ecclesiæ.

Unde actualis intentio Sacerdotis est gene-  
ralis & particularis: generalis ut substitutus  
nomine Ecclesiæ; particularis ut elicitive ab  
ipso Sacerdote concipitur. Prior modo sum-  
pta semper acceptatur, quia sancta est intuita  
Ecclesiæ; secundo modo non semper; quia de-  
pendet à statu particulari Sacerdotis, qui possit  
esse malus, ac proinde offerendo sibi demetri.

Dices; Sacerdos est minister Christi, iuxta  
illud Apostoli 1. Cor. 4. v. 1. Sic nos existimes obli-  
homo, ut ministros Christi, & offert, ut jam sep-  
diximus, in persona Christi: ergo non in pa-  
sona Ecclesiæ.

Respondeo esse ministrum tam Christi, quam  
Ecclesiæ, & offere in persona utriusque; que  
enim in hoc repugnantia? Certè Christus ca-  
put est Ecclesiæ, & ipse est, qui Ecclesiæ de-  
dit potestatem conferandi ministros altaris, &  
instituit Sacramentum Ordinationis, volunt-  
que ut Sacerdos Sacramentum Eucharistie  
conficeret, ac per consequens sacrificarent  
in sua persona, id est, voluit ut in confectione  
Sacramenti uterentur eisdem verbis, quibus  
ipse utebatur in ultima Cœna; eisdem, in-  
quam, non tantum materialiter, sed etiam for-  
maliter, id est, secundum eandem significatio-  
nem, de qua egimus disputatione præcedenti  
sect. 3. conclus. 3. & sequentibus.

Explico; Christus baptizaverit illis verbis:  
Ego te baptizo, quibus etiam hodie utitur Ec-  
clesia, num ideo Ecclesia baptizat in persona  
Christi? Minime; quoniam non utitur verbis  
Christi formaliter, id est secundum eandem  
significationem; nam ly Ego prolatum à Chri-  
sto, denotabat Christum; prolatum autem à  
Petro v. g. hodie baptizante denotat ipsum  
Petrum, & non Christum.

Quarum quomodo ergo verum sit, quod ait  
Divus Augustinus Tract. 5. in Joan. Petrus  
baptizet, hic est, qui baptizat: Paulus baptizat,  
hic est, qui baptizat &c?

Respondeo; quia Christus Baptismum insti-  
tuuit, & ipse solus est qui omni baptismis, iuxta  
institutionem suam conferendo, vim tribuit  
sanctificandi, ideo non frustrandam aut mi-  
nuendam ob conditionem ministri.

Adhuc

<sup>17.</sup> Sacerdos non dubitavit an Sacerdos offereret sacrificium in persona Christi. Meritum Sacrae oblationis & ministrorum.

Adhuc dubitas, an Sacerdos quā talis, sit minister Christi, offerens in persona Christi Sacrificium? Noli amplius dubitare, nec puto Doctorem Subtilem unquam de hac re sic explicatā dubitasse. Quid ergo? Dico (salvo meliori) quod Sacerdos etiam sit & verē dici possit (cello secundariō & minus principaliter) minister Ecclesiae; quatenus videlicet per Sacramentum Ordinationis consecratur Deo, ut in Ecclesia, & pro Ecclesia, id est, nomine Ecclesiae offerat Sacrificium Deo, quod ipsa, considerata ut est corpus aliquod politicum, per se non potest offerre.

Porrō an Sacrificium acceptetur ratione voluntatis Christi, an magis ratione voluntatis Ecclesiae generalis, de quo ibi disputat Sacerdos, quidquid dicatur, constat meritum Sacrae, quod quotidie offertur, tam in persona Christi, quām nomine Ecclesiae non esse infinitum, ut infra latius examinabimus.

Modò inquit, an solus Sacerdos sit minister hujus Sacrificii. Pro responsione erit

### CONCLUSIO III.

Solus Sacerdos est validus minister

Sacrificii novae Legis. Laici in vero sensu, licet minus propriè, dicuntur offerre Sacrificium.

<sup>18.</sup> Roborio prima partis. Idem est minister Sacrae oblationis & ministrorum.

Ratio primæ partis est manifesta; quia solus Sacerdos est validus minister consecrationis Corporis & Sanguinis Christi, in qua consecratio, & quidem sola, iuxta superius dicta, essentialiter constitutus Sacrificium. Idem ergo est minister Sacramenti & Sacrificii, scilicet Sacerdos ritu ordinatus, de quo ad propositum nostrum Doctor Subtilis dicit. 13. q. 2. n. 3. Confidere, inquit, Eucharistiam ut principali causa, nulli potest competere nisi soli Deo: tunc ut causa instrumentalis, vel, ut magis proprie dicam, ut minister potest competere aliqui homini: quia si Deus ordinavit, quid in quibuscumque Sacramentis minister posse esse homo.

Dupliciter autem potest intelligi, ministerum posse confidere. Uno modo absolute, ita scilicet, quod si attinet facere, facit quod intendit alio modo de posse ordinari facere. Et hoc distinctione generalis est, in omnibus Sacramentis: quia plus requirit ordinari ministerare in eis, quam simpliciter ministriare.

Conclusio loquitur de ministro valido sive de posse simpliciter confidere, & per consequens sacrificare; ad quam potentiam, teste Scoto supra, Nihil requiritur ultra materialē debitam, nisi minister debitus, ad quem requiruntur tres conditiones, scilicet quod sit Sacerdos: quod possit

preferre verba consecrationis; & possit habere intentionem debitam faciendi, scilicet quod intendit Ecclesia facere.

Secunda conditio, & tertia sunt communes hic, & in ministrante alia Sacraenta: propter defectum secundum non potest mutuū confidere, propter defectum tertius cœrens usū rationis non potest confidere: & eodem modo de baptizando, & conferendo quacumque alia Sacraenta (excepto Matrimonio, quod potest confidere à muto; quia non requirit formam verbalem propriam dictam) sed prima conditio est hic propria, scilicet quod solus Sacerdos potest, & quilibet potest, ex postulant competeret illæ duæ conditions, scilicet prolatio, & intentio. Solus, inquam, Sacerdos, & quilibet. Videamus si utramque pars sit vera.

Prima est contra quosdam Hereticos, qui assertunt omnes Christianos esse Sacerdotes, & habere hanc potestatem, tametsi cā uti non debeant, nisi à communitate fuerint deputati.

Sed contrarium definitum est in Concilio Lateranensi, & refertur cap. Firmiter de summa Trinitate ibi: Et hoc Sacramentum (loquitur de Sacramento Eucharistie) nemo potest confidere nisi Sacerdos, qui ritè fuerit ordinatus secundum claves Ecclesiae, quas ipse concepsit Apostolis, eorumq[ue] successoribus Iesu Christi.

Sed unde accipit Ecclesia fundamentum istius sententia interrogat Scotus suprà n. 4. Respondet autem; Ex illo verbo Christi: Hæc quotiescumque feceritis &c. Vbi loquitur Apostolis, vel ad minus non nisi Discipulis, quibus in Ecclesia ad minus non succedunt nisi Sacerdotes. Apostolis succedunt Episcopi: Discipulis Presbyteri, ut habetur distinctione 21. In novo Testamento. Habetur idem etiam ex illa sententia Pauli 1. ad Cor. cap. 10. Panis quem frangimus, nonne communicatio Corporis Domini est? Quem frangimus nos, inquit, scilicet Apostoli & Discipuli eius. Si enim quilibet fidelis potest confidere, non oportet aliquem alium alijs frangere; sed quilibet posset de suo Sacro comunicare.

Eandem veritatem non uno, sed pluribus locis docet Concilium Tridentinum. Imprimis sess. 22. cap. 1. & can. 2. verba textus vide suprà conclus. 2. in principio. Deinde sess. 23. cap. 1. ibi: Hoc autem (Sacerdotium novæ Legis) ab eodem Domino Salvatore nostro institutum esse, atque Apostolis eorumque successoribus in Sacerdotio potestatem traditam conferrandi, offerendi &c. sacra littere ostendunt, & Catholica Ecclesia traditione semper docuit.

Eadem sententia cap. 4. sic ait: Quod si quis omnes Christianos promiscè novi Testamenti Sacerdotes esse, aut omnes pari inter se potestate spirituali preditos affirmet; nihil aliud facere videtur, quam Ecclesiasticam bierarchiam, que est ut caparorum acies ordinata, confundere. Et infra: Quia potius decernit eos, qui tantummodo à populo aut seculari potestate a Magistratu vocati & instituti, ad hec ministeria exercenda ascendunt, & qui ea propria auctoritate

<sup>20.</sup> Heretici affirmant omnes Christianos esse Sacerdotes.

Contrarium definitum est in Concilio Lateranensi.

<sup>21.</sup> Eandem veritatem docet Tridentum.